

**MINISTARSTVO ZA POLJOPRIVREDU,
ŠUMARSTVO I VODOPRIVREDU****ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

276.

Na osnovu člana 56. stav 2. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i člana 10. stav (6) Zakona o šumama („Službene novine Zeničko-dobojskog kantona“, broj: 8/13, 1/15 i 5/21), ministar Ministarstva za poljoprivredu, šumarstvo i vodoprivredu Zeničko-dobojskog kantona, donosi:

**P R A V I L N I K
o izmjenama Pravilnika o načinu obračuna štete za
oštećene ili posječene šumske proizvode****Član 1.
(Izmjena člana 22.)**

U Pravilniku o načinu obračuna štete za oštećene ili posječene šumske proizvode („Službene novine Zeničko-dobojskog kantona“, broj: 12/13), (u daljem tekstu: Pravilnik), član 22. mijenja se i glasi: „Ministar Ministarstva za poljoprivredu, šumarstvo i vodoprivredu će na osnovu ovog Pravilnika i Cjenovnika proizvoda šumarstva i usluga u Zeničko-dobojskom kantonu donijeti Odštetni cjenovnik sa utvrđenim načinom i visinom obračuna štete za pojedine šumske proizvode i isti će se usklađivati sa važećim Cjenovnikom proizvoda šumarstva i usluga Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići“.

**Član 2.
(Brisanje člana 23.)**

Član 23. Pravilnika se briše.

**Član 3.
(Stupanje na snagu)**

Ovaj Pravilnik stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj:05-02-5906/22
Datum, 29.04.2022. godine
Zenica

P R E M I J E R
Mirnes Bašić, s.r.

277.

Na osnovu člana 99. i 103. Zakona o zdravstvenom osiguranju FBiH ("Službene novine Federacije BiH", broj: 30/97, 7/02, 70/08, 48/11 i 36/18), člana 60. Statuta Zavoda zdravstvenog osiguranja Zeničko-dobojskog kantona ("Službene novine Zeničko-dobojskog kantona", broj: 11/16 i 9/19), člana 29. stav 1. Zakona o liječenju neplodnosti biomedicinski potpomognutom oplodnjom ("Službene novine Federacije BiH", broj: 59/18), člana 3. Pravilnika o obimu prava na Biomedicinski potpomognutu oplodnju na teret sredstava obaveznog zdravstvenog osiguranja i načinu formiranja cijene pojedinačnih postupaka biomedicinski potpomognute oplodnje ("Službene novine Federacije BiH", br. 50/20 i 21/22) i važećih Smjernica za liječenje neplodnosti, Upravni odbor Zavoda zdravstvenog osiguranja Zeničko-dobojskog kantona, na 71. sjednici održanoj 08.04.2022. godine, donosi

**ODLUKU
O IZMJENI ODLUKE
O PRAVU NA BIOMEDICINSKI
POTPOMOGNUTU OPLODNJU NA
TERET SREDSTAVA ZAVODA ZDRAVSTVENOG
OSIGURANJA ZENIČKO-DOBOJSKOG KANTONA****Član 1.**

U Odluci o pravu na biomedicinski potpomognutu oplodnju na teret sredstava Zavoda zdravstvenog osiguranja Zeničko-dobojskog kantona („Službene novine Zeničko-dobojskog kantona“ broj 15/21 i 6/22) član 6. mijenja se i glasi:

„Pravo na liječenje putem BMPO na teret sredstava obaveznog zdravstvenog osiguranja, u pravilu, ima žena do navršene 42. godine života, koja je u braku, odnosno vanbračnoj zajednici, i to u sljedećem obimu:

- a) tri pokušaja intrauterine inseminacije, u skladu sa medicinskim indikacijama i smjernicama za liječenje:
 - prvi pokušaj se finansira u iznosu od 100% cijene utvrđene u Tarifi zdravstvenih usluga,
 - drugi i treći pokušaj se finansira u iznosu od 50% utvrđene cijene iz alineje 1. ove tačke.